



Inatsisartunut Ilaasortaq Ane Hansen, Inuit Ataqtigiit
MAANI

Angallatini 150 BRT-nit mikinerusuni immikkoortiteriveqarneq pillugu Naalakkersuinut apeqqummut nr. 113-imut akissut

Naalakkersuisoqarfiga 1. december 2008 Naalakkersuisunut apeqqummik tigusaqarpoq, tassani paaserusunneqarluni Naalakkersuisut naliliinersut angallatit 150 BRT-nit mikinerusut immikkoortiteriveqarnissamik suli piumaffigineqartassasut.

1) Piujuartitsinissaq siunertaralugu aalisarnerup teknikkikkut iluarsartuussivigineqarnera pillugu Namminersornerullutik Oqartussat nalunaarutaat nr. 2, 1. januar 2001-meersoq § 8, imm. 2 naapertorlugu sinerissap qanittuani raajarniat qassit Nalunaarutip atuutilerneraniit qinnuteqarsimappat aamma qassit itigartitaasarpas, sunalu pissutigalugu itigartitaasarpas?

2008-113
8. december 2008
Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Akissut:

Piujuartitsinissaq siunertaralugu aalisarnerup teknikkikkut iluarsartuussivigineqarnera pillugu nalunaarummi § 8, imm. 2 malillugu angallataatilinnit assigiinngitsuniit qinnuteqaatit qassit Aalisarnermut, Piniarnermut Nunalerinermullu Naalakkersuisoqarfiup tigusimanerai apeqqummut tunngatillugu ilisimatitsissutigineqarsinnaavoq Aalisarnermut, Piniarnermut Nunalerinermullu Naalakkersuisoqarfiup nalunaarut atuutilermalli qinnuteqaatit taamaattut amerlasuut tiginikuugai. Naalakkersuisoqarfik itigartitsinernik akuersissuteqarnernillu allattorsimaffimmik ajoraluartumik takussutissaateqanngilaq.

Aammattaaq ilisimatitsissutigineqarsinnaavoq qinnuteqaatit tamangajammik itigartinneqarnikuusut, tassa angallatinut taakkununnga immikkut akuersinissamut inatsisitigut tunngavissaqanngimmat.

Nalunaarut malillugu immikkut akuersinissamut taamaallaat periarfissaqarpoq Søfartsstyrelsen-ip ajutoortoqarsinnaaneranik nalilersuinera tunngavigalugu, taamaalillunilu taamaallaat immikkut akuersisoqarsinnaavoq Søfartsstyrelsen-i naliliippat ristit immikkoortiterutit angallatip inuttaanut navianartorsioirtitsisut. Allaffissornikkut suleriaasiuvoq ristit immikkoortiterutit atomnissaannit immikkut akuersissuteqartoqarnissaanik qinnuteqaatit ajutooriataarsinnaanernik tunngavilersorneqarnikuunngitsut itiginartinneqartarneri.

Tassunga peqatigitillugu ilisimatitsissutigineqarsinnaavoq sinerissap qanittuani aalisarnermi raajarniutit tamarmik 120 BT tikillugu angissusillit Naalakkersuisut

nalunaaruteqarnerisigut ukiorpassuarni tamanut atuuttumik immikkut akuerineqarnikuusut. Angallatit taakku taamaammat ristiniq immikkoortiterutiniq atuisussaataitanermut ilaatinneqanngillat. Angallatinut 75/120 BRT/BT-mit mikinerusunut tamanut atuuttumik immikkut akuersissuteqarnerata saniatigut angallatit marluk 59 BRT-it aamma immikkut akuerineqarnikuupput.

Qinnuteqaatit amerlassusaannik kisitsinermi sulianut mappini ataasiakkaarlugit misissorneqartariaqarmata katillugillu tamanna ajoraluartumik sivisussaaq, Naalakkersuisoqarfiullu taamaaliornissaq maannakkut inuttassaqartingilaa.

2) Sinerissap qanittuani raajarniat ristiniq atuisariaqartutut nalilerneqartut pillugit misissuisoqarsimava aamma angallatit 150 BRT-init mikinerusut qanoq annertutigisumik pjarisuugaqartarpat?

Akissut:

Apeqquummut tassunga tunngatillugu aallaqqaasiullugu ilisimatitsissutigineqarsinnaavoq siunertaasimanngisaannarmat sinerissap qanittuani aalisarnermi aalisariutaatillit annertungaatsiartunik aningaasartuuteqartinneqarnissaat. Ristit akii qalorsuit raajarniutit tamarmiusut akiisa ilaannanguaraat, taamaalillunilu aalisartunut ataasiakkaanut aningaasartuutaangaatsiartutut isigineqarsinnaanani.

Aammattaaq ilisimatitsissutigineqarsinnaavoq saniatigut pisanik avataasiorluni aalisarnermi misissuisoqarnikuusooq, kisiannili sinerissap qanittuani aalisarnermi misissuisoqarnikuunani.

Pinngortitaleriffiup (GN) Qeqertarsuup Tunuani saniatigut pisanik 2008-mi misissuinissaq pilersaarutiginiq uuaa, kisiannili napparsimasooqarnera pissutigalugu pilersaarut taamaatiinneqarnikuuvoq. Qeqertarsuup Tunuani saniatigut pisanik ajornartorsiut qulaajaaffiginiarlugu GN-ip misissuinissaq pilersaarusiorpaa. Paasisat siulliit inerneru siusinnerpaamik 2009-ip naanerani imaluunniit 2010-p aallartinnerani ilimagineqarsinnaapput.

Taamaakkaluortoq GN-ip missuinerata takutippaa qalerallit, suluppaakkat, qeeqqat aalisakallu natermiut allat Qeqertarsuup Tunuani amerlasoorujussuullutik takkusimaartut. Aammattaaq GN-ip misissuineru tunngavigalugu ilimagineqarpoq aalisakkanik pineqartunik saniatigut pisat sumiiffimmi tassani amerlasuujusut. Imminnut atanerat imaappooq aalisakkat allat amerlatillugit saniatigut pisat amerlanerusartut.

Avataasiorluni aalisarnermi ristit immikkoortiterutit atornerqarnerinut atatillugu arlalinnik misissuisoqartarnikuuvoq, misissuinerillu taakku takutippaat ristit atornerqarneranni saniatigut pisat annikinnerpaaffissaanniittut. Isumaqq taanna suliniummit, CEDER-mik ateqartumit GN-ip KANUAANA-llu peqataaffigisaannit, taparserneqarpoq.

Suliniuummi CEDER-imi ilaatigut siunertaavoq avataasiorluni raajarniarnermi saniatigut pisat annertussusaat nalilersussallugu. Suliniutip takutippaa ristit

immikkoortiterutit atorneqarnerisa kingorna avataasiorluni raajarniarnermi saniatigut pisaqartarneq ajornartorsiutaajunnaartutut isigineqarsinnaasoq.

Angallatit 150 BRT-nit mikinerusut saniatigut pisat pillugit nalunaarutaat tunngavigalugit paasissutissat annertunerusut pissarsiarineqarniariarpata nassiunneqassapput.

Naluneqanngitsutut raajaniarnermi atortut nigartakitsut atorneqartarput, tassa nigartoqqortussuseq 40 mm, tamassumalu kinguneraa atortut illersuutaanerat killeqartorujussuunera. Ristit atorneqarnerisa kinguneraa aalisakkat anginerit (puisit ilanngullugit) anillakaassinnaaneri. Tamanna raajarniarnerup nungusaataannginneranut tapersiivoq, tassa raajarniartoqartarmat aalisakkat allat pisarineqaratik taamaalillutillu maangaannartinneqartaratik.

Kalaallit Nunaata Kitaani saarulleqassutsip annertusinissaa kissaatigineqarpat tamanna raajarniarmi ristit immikkoortiterutit atorneqarnerini annertusineqassaaq.

3) Nalunaarut nr. 2, 1. januar 2001-meersoq § 8, imm. 2-p allangortinneqarnissaanut Naalakkersuisut pilersaaruteqarpaat ?

Akissut:

Naamik, allanguisoqarnissaa pilersaarutaanngilaq, angallatinut qulaani taaneqartunut immikkut akuersissuteqartoqareermat.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq